

Nr. 321

534

8. maí 1983

REGLUGERÐ

um breyting á reglugerð nr. 410 1. október 1979 um niðurfellingu eða endurgreiðslu aðflutningsgjalda af vörum sem endursendar eru til útlanda.

1. gr.

1. mgr. 1. gr. reglugerðarinnar breytist svo sem hér segir:

a) 2. tl. orðist svo:

Sett sé fullnægjandi trygging í peningum fyrir áföllnum gjöldum. Í stað peningatryggingar er tollyfirvaldi þó heimilt að taka við skuldarviðurkenningu nemi gjöld minnst kr. 10 000, enda liggi fyrir skilyrðislaus sjálfsskuldarábyrgð banka á greiðslu gjalda og dráttarvaxta og annars kostnaðar verði vanefndir hjá skuldara. Fjárhæð þessi, sem miðuð er við vísitölu byggingarkostnaðar í maí 1983, skal breytast til samræmis við breytingar á henni á hverjum tíma.

Tollyfirvaldi er heimilt að falla frá kröfu um tryggingu annist farmflytjandi sem annast reglubundnar ferðir milli landa endursendingu vöru án afhendingar hennar til innflytjanda. Sama skal gilda sé vara í tollvöruheymslu, enda annist sá sem tollvöruheymsluna rekur endursendingu vörunnar.

b) 2. málsl. 5. tl. orðist svo:

Séu framangreind staðfestingargögn eigi afhent viðkomandi tollyfirvaldi innan hins tilskilda frests má m. a. taka setta tryggingu upp í áfallin og ógreidd gjöld eða stöðva tollafgreiðslu á öðrum vörum þar til skil eru gerð.

2. gr.

Reglugerð þessi er sett samkvæmt 57. gr. laga nr. 59 28. maí 1969 um tollheimtu og tolleftirlit með síðari breytingum til að öðlast gildi þegar í stað.

Fjármálaráðuneytið, 8. maí 1983.

Ragnar Arnalds.

Höskuldur Jónsson.

Nr. 322

19. maí 1983

AUGLÝSING

um breyting á samþykkt um stjórn hreppsmálefna Borgarneshrepps nr. 353 18. september 1978.

1. mgr. 12. gr. orðist svo:

Atkvæðagreiðsla fer þannig fram, að hreppsnefndarmaður réttir upp hönd. Nafnakall eða skriflega atkvæðagreiðslu skal viðhafa, ef oddviti ákveður, sveitarstjóri eða hreppsnefndarmaður óskar þess.

23. gr. orðist svo:

Á fyrsta fundi hreppsnefndar í júní ár hvert skal kjósa þrjá menn í hreppsráð og þrjá til vara hlutfallskosningu. Kosning hreppsráðs gildir uns nýtt hreppsráð hefur verið kjörið. Sveitarstjóri skal sitja fundi hreppsráðs og undirbúa þá í samráði við formann.

Hreppsráð kys sér formann og varaformann úr sínum hópi.

Hreppsráð skal halda fundi hálfsmánaðarlega. Fundardaga og fundartíma skal ákveða af hreppsnefnd í upphafi kjörtímabils.

Aukafundi skal halda er sveitarstjóri ákveður það eða er hreppsráðsmaður óskar þess.

Hreppsráð getur ráðið fundarritara utan hreppsráðs. Í gerðarbók skal greina frá því hvar fundur er haldinn og hvenær, tölu funda, hverjir sitja fundinn og hver sé fundarritari. Þá skal greint frá framlögðum skjölum og efni þeirra í stuttu máli svo og hverja afgreiðslu þau fá.

Flokkur sem fulltrúa á í hreppsnefnd en ekki fulltrúa í hreppsráði má tilnefna hreppsnefndarmann til að sitja fundi hreppsráðs með málfrelsi og tillögurétt.

Samþykkt þessi sem samin er og samþykkt af hreppsnefnd Borgarneshrepps staðfestist hér með samkvæmt 30. gr. sveitarstjórnarlaga nr. 58/1961 til þess að öðlast gildi þegar í stað.

Félagsmálaráuneytið, 19. maí 1983.

F. h. r.

Jón S. Ólafsson.

Hólmfríður Snæbjörnsdóttir.

REGLUGERÐ

**um breyting á reglugerð nr. 77/1983, um gerð íláta, merkingu og varnaðarmerki
varðandi sölu og varðveislu eiturefna.**

1. gr.

6. gr. 1. mgr. orðist svo:

Lyfjaeftirlit ríkisins hefur eftirlit með sölu og varðveislu eiturefna í lyfjabúðum, lyfjagerðum og lyfjaheildsölum. Heilbrigðisnefndir skv. lögum nr. 50/1981, hafa undir yfirumsjón Hollustuverndar ríkisins eftirlit með sölu og varðveislu eiturefna í öðrum fyrirtækjum, sem hafa heimild til sölu þeirra skv. 5. tl. 5. gr. laga nr. 85/1968, um eiturefni og hættuleg efni.

2. gr.

Reglugerð þessi er sett skv. heimild í 17. gr. laga um eiturefni og hættuleg efni nr. 85/1968 og öðlast gildi 1. júlí 1983.

Heilbrigðis- og tryggingamálaráðuneytið, 18. maí 1983.

Svavar Gestsson.

Páll Sigurðsson.